



物理小識

三

洋学文庫
文庫8
C 124
3





物理小識卷之四

晴
保
民
藏
書

宇田川藏書



必山愚者智集

宛平于藻慧男父重訂

醫要類

槩幾○岐伯曰奇恒之府運氣五六周甲實二燥而一也

臟腑經絡槩應十二恒也互根亢承之變奇也脾為後天

本腎為先天本而腎具真水火也交濟則火即元氣矣三

部十二動脈分診也寸口巧診也八奇寄診也李士材關

王叔和而遵內經潛老夫曰兩端代錯而悟在其中矣內經

上下應難經六表裡蓋關不動而腎命宗一氣而周三隧氣

勿用小

卷之四

榮行二道者也。監有兩管四診望聞而入切。浮沉遲數滑

十四脈內外寒熱虛實辨尤要矣。人迎喉旁胃脈氣口兩

可推也迎盛內傷于食故脾胃見症而氣口盛寸關尺共九分關

前一分仍是肝脾之首耳凡論感則不拘六表裡矣如傷

寒論胸腹小腹即內經上候上下候下之診也如論胃脈

則六脈之和平皆胃也豈定執右關論胃哉對治易曉從治難明况隔二三乎天時有變地有異

候人稟殊而養又殊寧可執哉要當深究三才之故類應

通幾互格物則而歷症以徵常變乃中節也。運氣經絡脈

醫方各有常變明其理歷症多自能會通易簡若一言而終不過調水火順元氣

耳

中風○冬至起坎候八方風從鄉來者長養不則名為虛

賊風害萬物。虛者多從背俞中。而有中藏中府中血脉之

分。其以火以虛以濕以寒以暑以氣以食以惡而中者類

中風也。凡中風昏倒口挾不開以牙皂半夏細辛末吹鼻

取嚏無嚏則死。切辨者閉與脫。如牙關緊閉兩手握固是

閉症也。蘇合丸三生飲開之若口開心絕手撒脾絕眼合肝絕遺尿

腎絕聲如鼯肺絕吐沫直視髮直搖頭上擗面赤汗出皆

脫症也。天灌理中湯及灸臍下或救十一中藏者滯九竅唇緩二便閉不

能言耳聾鼻塞目瞤其中府者肢節廢脉浮惡風拘急不

仁。外有六經形證。中血脉者半表裡。但見口眼喎斜。半身作痛。惟當養血順氣。大秦羌湯羌活愈風湯和之兼證則隨察之。

厥○常病陰厥。益火之原。陽厥壯水之主。與傷寒異。傷寒陽厥

用推陳致新陰厥用附子理中冰炭殊途陽衰陰湊。五指至膝皆寒。曰寒厥。宜六

子湯陰衰陽湊。令人足下熱甚。則循三陰而上。逆曰熱厥。

宜六味怒火起肝。令血菀於上。曰薄厥。宜蒲黃湯煩勞擾陽。火

炎水乾。至夏益亢。孤陽厥逆如煎。曰煎厥。人參固本丸五尸之

氣亂人陰陽。暴厥如死。曰尸厥。宜流氣飲蘇合丸寒痰迷悶四肢

逆冷。曰痰厥。宜薑附湯胃寒吐虵。曰虵厥。宜烏梅丸中風身溫

而痰涎多。中氣身冷而涎亦少。總曰氣厥。宜順氣散醉飽感傷

著惱食填。厥逆宜探吐之。經曰上部有脈。下部無脈。法當

吐。又有氣暴逆者。氣復自愈。丹溪治內虛而仆者。灸氣海

而愈。人生命門胞系在臍故丹田氣海與腎脈相通。

傷寒○仲景書殘矣。得陶節菴六書。吳綬蘊要而明。當分

兩門。傷寒由皮毛入臟腑。初雖惡寒。發熱而終為熱症。其

人必素有火者。中寒直入臟腑。始終惡寒。並無發熱等症。

其人必無火者。一則發表攻裡。一則溫中散寒。甚判狀也。

讀傷寒書而不讀東垣書。則內傷不明。讀東垣書而不讀

丹溪書則陰虛不明讀丹溪書而不讀薛立齋書則真陰
 真陽不明補天要論其得源矣溫病不惡寒而渴乃火鬱
 也虞天民曰傳經傷寒是鬱病岐伯所謂寒氣外凝內鬱
 轉而為熱汗之則愈是也六鬱用越鞠九要當用逍遙散
 陶五法曰發散解肌和解攻裡救裡醫宗曰汗吐下溫清
 補類傷寒者或痰發熱自汗胸滿但頭不痛頭不強或食積發熱頭痛但身不痛氣口
 或虛煩煩躁發熱但身與頭不痛不惡寒不浮緊或腳氣足受寒濕頭痛身熱肢節痛便閉嘔
 逆但脚痛或或內癰脈浮數若有痛處飲食如常畜膿也腫滿或枯細或內癰胸痛而欬咽乾不渴濁唾腥臭肺癰也
 也小腹重按之痛便數如淋汗出惡寒身皮甲錯腹皮腫急脈滑而數腸癰也胃脘痛手不可近胃脈細人迎盛者

胃脘癰也立齋曰癰疔亦與內科同理其傷風者脈浮緩發熱鼻塞有汗惡風若素有痰熱而
 風邪外來則風乘火勢火借風威互相鼓煽也實則汗散虛則固其衛氣兼解風邪其治風火之法辛涼外發其苦
 內和勿與苦寒

霍亂○內經分溼熱風暑虛實其症忽心腹痛吐泄甚者
 轉筋以陽明養宗筋屬胃與大腸吐下亡液故攣縮也大
 抵陰陽反戾故以陰陽水飲之浸之或陳稷湯吐瀉不止可飲米醋乾霍
 亂不吐瀉名攪腸沙以土鬱致火擾不可過攻過熱過寒
 古方鹽熬童便降火行血也轉筋厥逆當細察色脈隨經
 標本施治

火○六腑透熱于臟。煎熬不已。感變熱症。最難治也。陽明積熱內燬。謂之實熱。宜疏利之。七情鬱發。一臟受傷。則有偏勝之火。傳克不行。宜虛補其母。實瀉其子。以勝復之。又有勞役致損真陰。陰虛火動。宜滋陰以降火。其胃虛過食生冷。抑遏陽氣於脾。謂之火鬱。每巳午時肌熱。燎如瘡狀。宜升陽散火。火有陰陽。日燈爐龍之異。若五志過極之火。驚動血者。火起心。怒動起肝。憂動起肺。思動起脾。勞動起腎。河間暑火立論。欲與仲景傷寒對講。非通論種種也。潛艸曰。百病皆火。養生者火。兩腎間動氣爲元氣本。而胃中

氣續之運動卽火也。勿縱慾以竭火。亦勿服寒以滅火。陰平陽秘。少火生氣。此當深參。

血○外感六氣。俱使人血溢。不獨火也。寒氣致病者。寒傷榮也。果寒鬱血。須散之。不必滋陰降火之藥。向分咳血嗽血出肺。咯血嚙血出腎。腎實統之。腎脈入肺。循喉挾舌本。其支從肺出絡心。注胸中。夫痰汗血皆水也。血從痰出。乃腎水挾相火炎上也。寒藥多施。溲溺可救。狀久用亦損胃。須六味湯。真陰失守。虛陽上泛。吐血須八味湯。內傷暴吐。急用獨參。金匱方用栝葉黑薑艾馬通煮之。不可類推乎。

衄血出經。衄行清道。吐血出胃。吐行濁道。犀角地黄治衄也。無犀角代以升麻。此為陽明鬱火也。

衄亦有陰虛火衰者。其血必點滴不成流也。似症者火不歸元而嗽喘面紅。吐痰血者以八味地黃冷飲之。辯訣曰實熱舌胎焦甚則黑。假熱有胎必滑滑而不能飲水。飲亦少而吐。面赤而嬌。陰虛者大小便俱利。吐痰必多。傷寒者大小便閉也。陰虛發熱有似承氣症。似自虎症。須加減八味冷飲之。翌日畏寒脈脫乃補其陽。若大失血後。大發熱須獨參湯。辯訣曰陰虛面必赤。其渴者腎枯引救也。雖渴而舌滑脈數而尺無力。或尺洪數而按之必不鼓也。若問其服過涼藥則脈亦有力而鼓指矣。

痰○人鏡經錢氏解曰痰或咯或嗽皆從胃出而前管主氣。寔無別臟津液相通。東垣論五臟脾胃以氣相通也。飲

從外入。因脾虛不能運化。積於胃中。流於腸內動則漉漉或散於四肢。小便不通而成腫滿。更有吐酸襍色者。肝木作酸而各臟之邪乘之。當健脾清濕利水。豈與痰同治乎。潛艸曰吐出塊者胃咯則肺也。肺葉細眼喻氣。火鬱生痰。牙細眼內則難出。故氣管中咯耳王節齋曰痰之本。水也。原於腎。痰之動濕也。主於脾。張仲景曰氣虛有痰。用腎氣丸補而逐之。吳菱山諸症辯疑曰八味丸治痰之本也。二陳湯治寒濕痰者停飲之症。本亦在腎。空心服八味丸。壓以美膳。自不泥膈也。惟辨痰重濁白沫者為有火。其無火者純是清水。當以八味丸治其原。復以四六君子補脾以制水。于脾虛者既

補中理中又能以六味八味制水以益母其度幾乎孔八
桂曰一剪梅以治標狀大虛則不受鳳膏春髓滋陰最神
胡小范曰虛者進氣為妙

咳嗽○咳有聲嗽有痰五臟六腑皆有咳約言外感自肺
傳諸臟內傷自諸臟傳肺外入宜辛散內發宜清潤槩也
隨病標本以治之咳主治肺實重脾而尤重腎仁齋曰肺
出氣也腎納氣也肺為氣之主腎為氣之本節齋曰損肺
可服參芪恐陽旺而陰消也自此以黃檗知母為靈丹而
終不救矣蓋先當以六味之類補真陰使水升火降隨即
以參耆救肺以補腎之母使金水相生則病易愈矣

喘○實喘者寸沉實宜瀉肺虛喘者先覺呼吸短氣兩脇

脹滿左尺大而虛宜補腎若寸沉而緊此外感也有六脉
俱伏者鬱也宜發散病機曰諸痿喘嘔皆屬於上指有餘
也東垣辨之謂有不足之症蓋火之有餘水之不足也暗
火被寒鬱則痰生于肺竅迫而氣促故喘

眼耳口喉○目具五臟實則肝竅而以腎為主耳則腎竅
也心竅本在舌以舌無孔竅因寄於耳齒則腎主骨也上
下齧屬陽明上痛喜寒惡熱取胃下痛喜熱惡寒取大腸
袒動皆腎也喉嚨舌本則足少陰之絡也標皆治火本則
補水以配火

消渴○上消者心移熱於肺。中消者內虛胃熱。下消腎也。

三消皆以治腎為急。婁全善云：肺病本於腎虛。虛則心寡。

於畏。妄行凌肺。而移寒與之。故肺病消。仲景治渴而小便

反多用八味補腎救肺。不能食而渴者。未傳中滿亦寒涼

癰。此膏梁之病也。一等渴飲旋吐。吐復求飲。此陰盛格陽。仲景以白通湯加人尿猪胆汁熱煎而冷探之。

腫脹○目窠卧蠶。足痠癰而腹大。按之隨手起者水也。膚

脹鑿鑿不堅。身盡腫。皮厚。按之窅狀不起者氣也。肤氣亦

有隨手起。水亦有窅狀不起者。但當辨皮厚色蒼。一身盡

腫。或自上而下者多屬氣。若皮薄色澤。腫有分界。或自下

而上者多屬水。其鼓脹與膚脹同。惟腹筋起耳。膚脹屬肺。

鼓脹屬脾。其曰蠱脹。則血或蟲也。腸覃者。瘕內也。石瘕者。客于子門也。石水者多

陰少陽少腹腫。其脉沉也。五臟六腑皆致腫脹。肤脾主運行。肺主氣化。

腎主五液。不能外此。陽症實熱。陰症虛寒。先脹內後腫外

者實。先腫外後脹裡者虛。小便赤大便結者實。小便清大

便溏者虛。滑數有力為實。弦浮微細為虛。色紅氣粗為實。

色悴聲短為虛。凡實症邪至必暴。毋成於數日間。虛症積

累有漸。毋成於經月後。虛主益脾。兼補命火。女先水脹而

後經斷者氣分也。先經斷而後水脹者血分也。先喘而後

脹者治在肺。先脹而後喘者治在脾。單腹脹而四肢不腫者難愈。舊說蠅蝨腰以後通利。腰以前飲澁若加麵煮其遂則頭消頭足消足也。劉河間王膠皆塗其遂而服其艸。或酒服黑豆末。或露過浮萍薏苡餅酒服之皆治水腫也。若有毒結須用白馬溺化。見陶潛續記。凡腫忌鹽陸面京曰亦有驟腫而虛者。忌以麝蒜熏臍。

膈關○噎膈者。食到咽膈即出。老年有之。翻胃者。食倍常而半日即吐。關格者。粒米不欲食。喜飲茶。飲即吐。大小便秘。丹溪潤血未盡也。經曰三陽結謂之膈。蓋腎病而火煎熱結也。王太僕曰食入即出是無水也。食久反出是無火也。褚侍中曰上病療下。以六味料大劑煎引久服。可挽十

二東垣曰上焦吐者從氣。中焦吐者從積。下焦從寒。

關格宜回

陽反本湯愈後用八味丸。肝火嘔酸水用茱連細呷。愈後以六味丸調理。

治噎方○天竺黃紅桂花葛根槐樹上木耳藕節陳皮雲夢縣茶各一錢以麥燒酒一大盃入新磁瓶內重湯煮三炷香取出埋土內一夜退火氣溫飲半杯。隨思飲食。餘藥作一日後服完。此得之熊伯其者。狗寶主化。鴛味硫銀。權殺蟲墜下耳。

瀉閉○經曰腎主大小便。又曰腎司開闔。則大瀉之瀉與閉皆腎責也。東垣脾胃論精未詳大瀉腎泄也。命門衰脾

虛寒十全送四神丸褚氏曰精已耗而復竭之則大小道

牽痛腎虛後重數至固而不能便必莖中痛或欲小便而大便反欲去而痛也治法曰淡滲曰

升提曰清涼曰疎利曰甘緩曰酸收曰燥脾曰溫腎曰固

澁臨症隨宜而已前京曰腎虛者補中湯忌升柴脾弱者

大抵脾胃弱宜四君子有痰六君子寒則理中湯中氣下陷宜補中益氣湯脾不能化宜八味丸

小溲通閉○大泄小閉與水停心下宜五苓分利若氣迫

閉塞不升降者宜升麻提之渴而小便不利此屬上焦氣

肺虛者用補中益氣湯如不渴而小便不利此屬下焦血分須滋腎丸經曰膀胱不約為遺

溺仲景曰下焦不歸則遺溲不禁者宜兔絲丸鹿茸散

夢遺○治主腎肝立齋發明丹溪所未發專用六味治夢

遺或脾胃不足加補中湯提之有用心過度兼歸脾湯命

門火衰則金瑣正元丹一等腎不虛而肝經濕熱者莖中痛或痒或腫或挺白物隨溺此筋

疝也。用龍膽瀉肝湯。

遺精洗法○天明忍溲預熱米泔水或椒湯坐其上熏之

乃洗腹及腰極暢氣通欲溺便溺其中如此即不痛一二

日洗之不問自愈此方亦可治腹疾。

飲食傷○有寒熱傷有自倍傷壯者亂食不傷過時不饑

弱者微犯即傷矣膏粱藜藿自不同治寧可以平胃枳實

常食乎。脾胃化物。實由真水火。而火盛則燥。水盛則濕。乃生諸病。制其偏而使之平是也。補以配之。不必剋削。東垣法妙矣。要當求水火之本。經曰下焦虛乏。中焦否滿。欲治其虛。則中滿愈甚。欲消其否。則下焦愈乏。庸醫難措矣。參一兩。加升麻一錢。一服即愈。此內經之妙用也。黃存菴曰。晁重。六脈和皆胃氣。而肝為心腎關。不和則肝木乘脾。故宜平肝。潛艸曰。心火生胃。戊土。命門火生脾。己土。胃弱宜歸脾湯。養心脾。宜八味。

暑○熱症脈盛。暑病脈虛。東垣分動靜言之。乘涼食生冷。因暑傷暑。為靜得之用。大順散。日中勞役。為動得之用。蒼

水白虎若元氣不足。宜清暑益氣湯。補中湯為當彼無事。飲香薷。是招暑也。預防者。孫真人生脈散。夏令最宜。張鳳達曰。傷寒感冬嚴寒。溫病感春輕寒。暑病則專感夏熱。又況天時地氣相乘哉。嶺表暑症初起。身爽。後乃發熱。或嘔或泄。或結。不可汗下。惟宜六和湯。薤白扁豆木瓜藿香杏仁半夏赤茯苓艸弱者加參。

溼○雨霧濕氣。先中榮衛。水泥之濕。則傷肌肉筋骨血脉。飲食之濕。傷脾胃。而脾土所化之濕。不從外入。陽為溼熱。陰為寒溼。其症發熱惡寒。身重自汗。筋骨疼痛。小便澀。大

便溲腰痛跗腫肉如泥按之不起故在上者微汗之羌活
 勝溼湯在下者利小便又苓散大法曰濕淫所勝助風以
 平之下者舉之故用升陽風藥即瘥又有脚氣類傷寒發
 熱惡寒必脚脛間腫痛俱從濕治陰脚氣脛處腫而不濕
 熱發黃從鬱治凡溼熱不鬱則不黃禁用茵陳又苓當用
 逍遙散。

瘴氣○客氣勝復要與地氣相變蒸疫者天氣也癘者地
 氣也又嶺以表皆朕惟桂林稍和下陽朔平樂則酷矣呂
 智流離此方且又六年山峭水惡冬煖而春寒秋熱烈于

夏二三月至夏至前溼不可言衣席寘之蛾頃微見濡潤
 陰雷沁過枋椽又四時陰雨則暴寒日出則燥烈瘴從水
 起與山嵐合黃茆蒸鬱為霧為雨溼熏中人故候多與暑
 症類而貌傷寒也瘴氣從口鼻入凝聚胸膈腸胃間熱毒
 多為病結故類暑症而又與暑別或觸熱暴寒或水或濕
 或飲食勞傷怫鬱而發夏發者多以當此方濕蒸也若司
 天乘克行亦如秋冬寒飲瘴又此方之和候也此氣中人
 為熱毒陰藏者不甚感平時飧泄者不感感者頭痛發熱
 或痛而不熱或先寒後熱或先熱後寒有自汗者有忽戰

手足冷隨發熱者。有忽熱極暈昏者。其初骨之體軟。或無汗微汗。煩渴胸否。小溲少。大溲澇。或嘔又溲。若惡寒則酒。狀毛聳口開。此暑症也。頭痛發熱。口渴泄瀉。目赤咳嗽。此疫症也。若是瘴氣。本症切脈非弱而散。即敷而察。關脈必弦。心燥口乾。胸滿少食。食即惡心。舌白或紅。目黃或赤。小大便澁或閉。晨熱起至午大熱。夜半熱稍退而思食。次日復狀。或一。二日即譏語。熱時脈八九至。熱退又五六至。間有六脈盡無。蓋熱傷氣。則脈散。熱毒甚。則八九至。脈爲熱毒所伏。則或有或無。俱是常事。不足驚也。傷寒有一日一

症。瘴非誤服藥。八。九日惟一症。多發夏秋。與傷寒。膏壤。治之。惟清上熱。解內毒。順氣。通利而已。最忌發汗。灸火。服蘇合丸。蓋傷風傷寒。初在皮膚。利於發散。瘴毒積胸膈腸胃。間。何能發散。且暑無日不汗。何可過發。醫誤汗之。胸滿氣促。熱益甚。而汗不休。津液乾涸。藏府焦枯。便閉腹膨。隨用大黃下之。而大黃與瘴症不相宜。元氣益損。溲後愈難。汗弱益劇。復用熱補。則狂燥不止。立致敗亡。亡時必目赤唇裂。腸脹如鼓。萬一得存。必潮熱綿延。飲食不進。醫又目以痰火。治久亦骨立而畢。其八。九至後。或散或無。醫驚以爲

陰投以桂附。卽不可救。豈不哀哉。受毒者內有結毒。燥悶
氣促。大便不通。客居感者。十半如此。通便熱退而愈。土著
素啖檳榔。有病不可大下。痰褻積於胸膈。遂成痰痞。天涼
則伏。暑熱則見。非方書之病塊也。此外專受瘴濕者。水腫
自利。必山愚者曰。審地氣以察天氣可也。張鳳達以蒼木
炒梔。隨症加減。當下者。熊膽雄黃各三釐。解毒散用多年。
溺坑磚洗淨。火煨醋淬七次。細末之。每用三錢涼水澄去
滓。加蜜調服之。若六一散夏月可服。多服則損元。滑石須
用牡丹皮湯飛過爲佳。桂林庫有方書版。稼軒年伯印之。

見寄具載此方之功

中履曰。巳丑老父在平樂山中。記此
瞿年祖式。報爲桂林。晉守相公。

瘡。○日發瘡。間發。痰。總名。疔。暑熱。留皮膚內。腸胃外。頭背
肩肢。募原。府間。經隧。界分。有舍。遇秋而風入。或浴因水氣。
與衛氣。居旋行。相薄。腠開。邪入。則併於陰。外無氣。故先寒。
慄。不列。少陽。形症者。以太陽。開陽。明闔。而以陽。樞也。陰氣
逆極。復出於陽。陽實。外熱。陰虛。內熱。則喘而渴。極則陰陽
俱衰。衛氣相離。故病得休。其早晏。以風府。循脊。日下一節。
二十二日入脊。其氣上行。九日出缺盆。故日益早。其邪中
異所。則風無常府。痰之間日。邪內薄於募原也。深則間數。

日矣。客于六府有時相失。列藏證者。非真藏也。乃藏募之氣。化證也。溫瘧先熱後寒。寒瘧

先寒後熱。彈瘧但熱。牝瘧但寒。婁子柔繆仲淳謂總起于

風暑。盧子繇取準繩二方。升麻此胡葛根羌活防風甘艸

猪苓鯀。今合而隨症消息。其露藥者散暑也。內經惟列刺

法。岐伯言四時皆有瘧。秋瘧應時者也。春夏冬之瘧。病形

多異。耳陸兩京曰瘧故不一。亦未可執風與暑陰氏曰初

瘧寒熱往來少陽症。小柴胡為主。寒多者加桂枝。瘧瘧但

熱。白虎加桂枝。牡瘧但寒。蜀漆散主之。弦數者多熱。弦遲

者多寒。弦小緊者可下。弦遲者可溫。弦緊者可發汗及鍼

灸。弦數者風痰發也。以飲食消息止之。

青皮飲治秋瘧。有鬱痰艸果飲。前才

不應。當以補中益氣湯倍柴胡加半夏生薑立齊。方用參

一兩煨薑五錢。其腎真陰虛者寒如米。熱如絡。惟面赤如

脂。潛欲飲水者。以六味地黃加柴芍桂莖。截以常山熟製

免吐。臍貼麝珠。皆實者可受也。或加首烏鱉甲牛膝良薑

瘧下。○經名腸瘕。節痢也。局方與復菴例行辛熱。河間與丹

溪專用苦寒。即仲淳必用白虎亦非也。謂夏秋因暑濕蒸

熱鬱固也。彼因熱求涼。過吞生冷者多矣。壯而傷於天者

鬱熱居多。弱而傷於人者。陰寒為甚。細詳虛實。則寒熱愈

明矣。脹滿惡食。惡痛懼按者實也。煩渴引飲喜冷畏熱者

熱也。脈強而實數而滑者實熱也。外此皆虛寒矣。但以渴

勿里下哉

卷之四

七五

為實熱乎。瀉下亡液則津涸上渴更當以喜熱喜冷分之。以腹痛為實熱乎。痢傷腸胃膿血剝膚故痛更當以痛之緩急按之可否藏之陰陽腹之脹不脹脈有力無力分之。以小便赤短為實熱乎。水從痢去溲必不長液以陰亡溺因色變更當以便之熱不熱液之涸不涸色之澤不澤分之。以裡急後重為實熱乎。氣陷則倉廩不藏陰亡則門戶不閉更當以病之新久質之強弱脈之盛衰分之。痢而瀉腎傳脾輕瀉而痢脾傳腎重腎為胃關開竅二陰故久利必損腎若命火衰必用桂附救脾毋復真元食乃進也。

治神為上○內經曰慧然獨悟冥冥治神五藏五志猶五行之相生克也。心喜甚則狂散以腎之恐勝之。太恐則傷腎以脾之悲思轉之。思甚則殫以肝之怒發之。太怒則激以肺之憂歛之。太憂則失神以心之喜起之。宋文摯怒以登牀而齊王痊。丹溪以一怒一喜愈女病。皆此理也。神藏心。心不受病亦不受治。惟恬淡以養之。

偏勝則變○素問曰五味入胃各歸其所喜故久而增氣。物化之常也。氣增而火則偏勝致傷。天之由也。故曰用毒藥者衰其半而止。藥不必盡劑也。黃連苦參火服反熱。當

歸從容單服反泄。人身以陽為至固不可無事服寒涼。即
峻神燥烈亦勿以服視宜互制可耳。况以根情火馳之體
求服食以縱欲噫末世變症豈盡藥之咎哉。

氣熏法。○鼻受天氣以養陽。口受地味以養陰。無形相感

惟氣通之。熏灸外治所從來矣。唐許胤宗初仕陳。遇柳太

后病風口禁。乃造黃耆防

風湯置牀下。其父得語。陸暉遇產婦病死。曾尚執以紅花

沸湯熏而甦。廬州王守道風噤。王克明熾炭燒地。酒以藥

蒸之。而甦。靈樞以蜀椒乾薑桂心淳酒漬絮置馬矢煨中。五日

暴乾。再漬盡汁。以巾炙而熨寒痺。三十遍而止。凡刺灸之

此其例也。偏枯以蠶沙袋蒸熨。喎斜焚皂角以逐外邪。熏

乳香以順血脈。內痔以紅藤龜甲烟熏而飲之。比天膏能

治百病。燒鉄淬醋以醒噤口之痢。焚返魂香以驅一時之

疫。或點眼。或貼臍。或下導。或塗足心。或按摩。非至理乎。中

曰口瘡舌刺。足心塗三建。或塗蒜塗蓖麻。為吸下也。康樂

山居賦曰三建異名而同出。川烏建上。附子建中。天樞建

下。

形治氣治神治。在藥之先。而妙循經絡。○形治莫妙于按

摩。循其上下經絡。并俞以木為員。卵鍼內外轉而按放。蓋

與鍼同法也。氣治在乎運轉。以呼吸為橐籥。或放氣以出

邪。或閉氣以專注。通關熟行。其效甚捷。火行積驗。其病亦

輕治神者放下而已。內經五氣護身亦用先想。蓋心之所
 在。氣即注之。視病所由宜升宜降。或作水觀火觀。皆借意
 以默運。心息相依。循五十營周流。旋元坎離交濟。此固然
 之符也。暄曰五禽之戲。形治也。竹弓放沙。小兒推竿。俗有
 通者吐納抽添。氣治也。熏蒸亦其遺意。林龍江以
 嘘呵咽吹呼。順時卻疾。朕散氣服氣。數調當知胎踵閉氣
 伏氣。以和定者。生生之門也。神治則靜坐凝神。視病何起
 屬何藏府。循經絡而運散之。寒思火燥思水。先對治。徐從
 治。足以起死。但須專一耳。秘法按患者之脈。存神注彼身
 中。如治已病。久久効矣。人苦不信。心即不能。一氣何由調
 故。吾師只曰放下。德曰轉河車。注丹田閉氣伏氣。不悟
 放下。反有成病者。

固濟法○十六錠金最要。存陰躄。扼莖。如忍浚。久則止遺。

升提降散須視其體○人知降散宜慎。不知升提亦宜慎
 也。東垣補中益氣湯用柴胡提左。升麻提右。固效。蓋為脾
 胃中氣不足。而肝腎有餘者設也。若腎虛者。忍任升提。而
 火因上騰。則別感而成上下橫決之執矣。陸一明京言之甚
 漸
 丹汁○神隱云。丹砂一斤。石胆二兩。硝石四兩。以小口磁
 罐。漆固其口。埋地七七日。出視成水。味苦。可食。若未化。再
 埋。用竹筒盛之。亦可。取會青水亦同。丹砂不用石胆。而用
 瀕二兩。
 伏藥卵○凡藥以銀為卵。小蓋開合。納藥而漆閉之。置衆

雞卵中令雞伏之足七七數或歷數雞其行氣益人甚靈或日暴之溫火養百日亦可要以雌伏感化為効臙仙曰別養雞雌雄白者得其卵扣出黃白取丹砂研和入之蠟封其口還令白雞同子抱之雛出藥成和以蜜服或以雄黃同雞子和而封固微火三日夜皆此意也

感症視小浚○證治準繩曰感寒熱專論小便當下之症小便必黃短若清長是寒且直腸內必有溏自通矣潛艸曰有泄久為寒而小便亦黃者決無小便清長而為內熱者

鍼灸槩○針經曰粗守形上守神粗守關上守機機不離

空不可挂髮呿吟至微秋毫在目手如握虎鍼耀而勻波

隴不起溫晴淖液迎之針頭朝源隨之針頭從流以意和

之畢矣鑱針頭大員針如卵指鍤針如黍鋒針三鈹針刻

取員利針如釐毫針蚊長針取遠大針挺員官針九也

翰刺藏遠道刺病上取下經刺結絡絡刺小分刺肉大寫

刺鉞毛刺浮巨刺左取右焮刺燔九刺也偶刺如雙刺

刺癢恢刺疾齊刺直揚刺正直刺引輸刺直

短刺痺浮刺傍陰刺寒傍刺直贊刺血十二節也又

有半刺豹文刺關刺合骨刺與輸為五

王九達曰井榮輸經合二十七氣行

在五

繆刺左右繆也

巨刺經繆刺絡

正統時徐鳳述實漢卿曰刺

陽斜卧刺陰正立口藏比火手循捫機下貴遲急傷血出

貴緩急傷氣三才

皮天肉人骨地

八法

燒天火化天涼陰中陽陽中陰子午進氣雷氣抽添

又有飛經走氣

皆神定氣隨而候運也禁針二十二穴禁灸四十

五穴犬氏針泄氣故焯焯漉漉忌之灸補而弱難養火因

窮其故而徵幾焉醫可味乎

公孫衝脾內關陰維心包臨泣帶胆外關陽維三焦後谿

督小腸申脈陽蹻胱照海陰蹻腎列缺任肺此八脈統也

越人維會起厥李氏巨闕解頭肩井曲池甄權申臂縣鍾環跳華陀救臂秋夫腰俞針鬼王纂交俞出妖肝俞命門開腎少陽交別醫龔皆其類也今有子午針瓊瑤針

外科 ○起類寒熱而脈浮數有痛症可辨也陳若虛正宗

悉矣先發內托輕者可消發背須用參與鯨甲蟾酥若止

藉羌活則空耗元氣而毒不散也最忌寒涼誤則難拔疔

痛牽心必有紅絲須截絲路針疔者蟾酥作米入之外封

以膏隔日必且發裂後可拔其疔根也疽有忌鐵者

水疔忌火

塗藥忌水片

片惟用治喉痺

癰則可白臘而熨化之加蠟加

熨其效甚神灸以艾蒜引毒出也劉宗厚曰瘡成漏者浸

附子切大片艾灸之

仍服內托之劑隔日再灸附子則肌肉長矣丹溪別秘以硫麩蒜作餅而

艾灸之初起服梅花點舌丹或仙苗散

痘○胎毒也。有終身不出者，神痘法。丸痘汁，納鼻呼吸，即中矣。或取衣被，久傳二三十人，即有一惡。須易新丸，痘出不善，以火焯而退之。發必中指冷，以包焦也。指視三關，要以脈驗。孩可清江聶久吾，尚恒悉矣。毒惟放出，最忌寒涼。柴胡、茯苓俱不可用，解毒。秘法：鳳胎丹，妙托胎毒。伏卵將雛者。氣虛以雞，血虛以鵝。灌漿，浴水楊湯，或焙白，水牛耳中，或服之，即不出痘。一菴曰：初生挾兒口中血塊，啼則入腹，剪臍燒末，每一分，辰砂半之，乳塗兒口。越日遍身粟粟狀，徐結一皮而終身不出痘矣。神哉！非瑣瑣蒲萄所及也。小兒蒸變，唇泡耳冷，為徵，不必服藥。

面部○庭者首面闕上

眉上

咽喉闕中

目間

心直

下。相家肝肝左膽下者

準頭面

脾方上

鼻

胃中央

迎香外

大腸挾大腸

頰上腎，附脊故，應兩頰

當腎者臍面王以上

兩頰

小腸

面王以下

人中

膀胱子處，顴肩也。顴後臂，臂下手。目內皆上

闕下

膚乳挾繩而上

頰外

背循牙車以于

股中央

兩牙

膝

膝下脛脛下足巨分

口旁

股裏巨屈

頰下

膝臑

青黑痛黃，赤熱白寒

要在庭闕明堂，蕃蔽，辟其基，喜潤澤，惡滯晦，色脈生，王乘襲其常也。醫當詳內經而會通之，乃可用針與藥。

進氣○病大虛者，進氣可復，銀管入孔，使陰人呵之，勿吸也。尋常腰眼諸處，可隔幅呵，妙于火膏，但勿當臍

轉輪○眼曰命門與七節命門。司開闔也。藏系心包。必心
主動而焦火乃發也。目垂簾則神向內矣。觀而噴消心也。
妙在放下耳。注神丹元會陰。不即不離。則熏蒸上派。自轉
其灌輸之輪矣。宗氣一輪。榮一輪。衛一輪。維躡交成。針輪
帝為平輪。衝為胃腹中上下之輪。皆橐籥于呼吸而旋焉。
心和氣平。則諸輪自轉。如走馬燈。得火也。張紫際曰。八奇
脈屬陰神。可以陽氣衝開。而陰躡為先。坎督任衝。要知西
南坤地。尾間前膀胱後逐日所生氣根。產鉛處也。河車積
熏。依周忍提。茲為籥耳。悟真曰。得之亦捐。知其故乎。

畜病

猫病○灌烏藥水為人踏灌蘇木湯。

雞病○灌真麻油。

狗病○調平胃散。或用巴豆。卒死用葵根塞鼻。可汗膿癩。
用百部塗。蟲蠅咬用麻油塗。

猪病○割尾尖去血。疫則薤白葉食之。耳皮納巴豆。即瀉
瀉止去豆。

羊病○夾蹄。火燒鐵篋。將殺羊脂烙上。勿令入水。疥癩用
藜蘆根湯洗之。仍以末塗。或用鍋底墨及鹽桐油勻塗之。

中水。先以水洗眼及鼻。次用鹽湯注鼻內。

牛病○肩爛綿絮灰傳。漏蹄以紫草猪脂鐵篋烙之。傷熱用胡麻葉汁瀉瀨。用杜衡藜蘆末塗。疫熱葛竹葉蒼朮蕉汁灌之。或加大黃鼻頭無汗加麻黃。口出血加蒲黃。脹用燕子屎。噎用皂角末吹鼻。身生蟲搗當歸浸醋塗之。

馬病○馬急黃黑汗取舊靴頭皮浸汁灌。不效用大黃當歸鹽水灌之。或鍼破馬尾尖出血。胞轉腸結以硝灌之。或用細辛防風芍藥鹽水灌。後用芒硝鬱金大青酒油灌之。或以小兒尿和水灌之。或搗蒜內小便孔中。蟲噪者醬清

灌鼻。重者葶藶子桑白皮大棗湯灌。脊瘡黃丹敷。忌風。破脊尿泥塗。傷水燒人髮熏兩鼻。或用川艸烏白芷胡椒皂角吹鼻。疥用皂莢米泔洗。樗根麻油塗。或巴豆膩粉麻油塗。哮喘大麻子飼。

鴿病○用古壁螺殼續隨子銀杏搗爲丸飼之。

鶴病○宜用蛇鼠及大麥煮熟飼之。

龜病○宜用蚯蚓蛇及飯喂之。

鹿病○宜用鹽拌料豆喂之。常以潦豆艸喂之亦佳。

猿病○蘿蔔喂之。

醫南禽發風○鸚鵡八哥白鸚錦雞孔雀之類或發風不食上有一肉味圓如荳大以針挑破之則立愈右尾尖上卽所謂壺也鸚鵡縣烟處體癢自啄飼以陳皮水孔雀病飼以鐵水凡鳥疾飼以麻油子

物理小識卷之五

宓山愚者智集

宛平于藻慧男父重訂

醫藥類

醫藥通類約幾○潛艸曰至理不測因物則以徵之醫固一大物理之橐籥也喙者歧者核者柯者皆可以任督榮衛觀之皆可以好惡制化竅之形色精神臭味燥潤无非元氣陰陽之升降出入也非五六十二之運氣經絡也用在中節調其亢承類應之綱符幾不二盡其性者秩序變化在其中矣豈愁約則荒而博則混哉雌雄子母藥之

倫也。水土之抽為艸木。其水母而土父乎。動物之榮衛脂膏。其水母而火父乎。究論之六淫亦水火也。七情亦水火也。其病也。亢火與元氣不兩立。停水亦與元氣不兩立。其交濟也。水火即元氣也。氣為體。水為相。火為用。不相離也。是皆可以參兩而通類研幾焉。氣味最切而形色應之。如走氣。味入血。花實。蔓幹各具形色。輕重各分陰陽。而上下遂專升降。金石而硫以質陽。沉香神砂兼統升降。凡有頭尾。三停以分。皆歸防。皮骨筋節。皆應表裡。竹茹走膜諸皮。走皮。腐藥溲通。同主于化。皆因腐變。畜糞槩謂之通寒。號食相實。而遺。已復自食其遺。故通血分。物體全具。取其專長。藤

含水。草麻吸物。秦苑以糾象絡。石菖以清入心。其其通類。其五味而功在酸收。葉耳同豨莶而專入巔腦。固犁狀矣。永叔曰船上驚病者。刮舵牙汗未。和丹砂茯苓飲之而愈。蜈蚣螫者。嚼墨畫雞味啄之止痛。此亦以其神情而通類也。

何往非藥。○藥知其故。乃能用之。反因約類。盡變不難。先曾祖本菴公。知醫具三才之故。廷尉公中丞公。皆畱心紀驗。不肖以智有窮。理極物之僻。間嘗約之。補瀉也。對治從治也。寒熱溫涼而平統之。五味歸於甘苦而淡統之。皆概也。而好惡最微。因地因時。相制而變。久習而轉。皆有其端。

用心骨核○石棗核潛精而今何去核沈括之說也麥冬連心用方合土德全體王紹隆之說也枸杞根實神農通而後分之根乃去骨何所本乎蓮實去惹失聖胎種矣此盧頤之說也潛艸曰去骨心核者取其味粹存之者象形取證也蘇恭曰枳實宜全核穰連理亭曰梔子連壳治上焦若今連翹去仁用壳則不知何所本也連翹入手足少陽陽明又肖心入心治耳聾陸而京曰人心虛艸木心多實故天麥冬蓮子去心者以入心堅而不化也

艸之沙者屬金屬降○蒲黃如沙如黃金之不變是其專精在黃舌腫滲之即消石圍菱之花上如沙曰海金沙主治石淋

因其如沙而消痰通下也

赤箭芝○根為天麻自內及外苗為赤箭達上反下沈括惜世但以治風豈知其為補益上品哉實如棟六稜至秋不落却透空入莖中還筒而下潛生土內抱朴稱獨搖芝根有十二子環之乘雅附六芝中將謂別一物耶芝以雨霽雲徹而生不假種識故益五臟有中之藥赤黑者交心腎之引藥也菹豆花透空入土結豆當通潤藏府是一類推法也皆貫於有之藥

蒼蒿○茵陳艾蒿皆蒿類蒼以蒼老末大于本故神明幽贊歸之一莖直上百歲滿百長丈義孔墓生神農本經云

益氣充肌明目。潘去狀云孔林著六稜。今藥不用著。以用茵陳即著也。

反時生。○秋冬生長。夏至死。是升出降入。倒用者。芥麥例也。羊躄千金子夏枯艸皆狀。羊躄主禿瘡陰鱗。千金子夏枯皆行水。而夏枯入目珠。治

癩瘰。智在粵見有十字艸。冬青夏稿。葉尖長四布如十字。春于葉中抽四枝。結果三稜。斷莖有白汁。似澤漆。貓見睛綠。

花而本艸言三枝抽。謂四分而兼中抽為五乎。最治蠱毒。記以俟攷。嶺北亦處處有之。

黃連燥梔子潤。○皆苦寒。而口乾渴宜炒梔。溼痢宜黃連。

儂。○參似人形。力大白者切之。須有金井玉欄。土木參明。

潤。不白。蓋上黨紫團之類乎。近以泡參膠接小參。殊自難辨。市上節參似小菖蒲而曲。乃參蘆也。蘆可湧吐。虛人用以發散。亦可同黃

芪。萎。蕤。用之。江楚領北大山。亦有三桠五葉生樹陰者。其味淡直莖紫而葉如青葙兩開者。沙參也。乘雅曰人參天地故。

以名之。音衛氣日行陽道則寤。夜入五藏則寐。凡病張惶不能假寐者。人參入口。便得安寢。急走啣參不喘。此亦視。

其入耳。能回元氣於垂亡。能理一切虛證。氣虛者固宜血虛亦不可缺。无陽則陰无以生。李言聞薛立齋詳矣。醫宗。

白肺脈洪實。火氣方逆。血熱妄行。不可驟用。痲疹初發。身雖熱而斑點未形。傷寒始作。症未定而邪熱方熾。勿悞投也。有時多用則宜通。少用反壅滯。貧者聞賢藥則吝。小醫利在行其所便。故王海藏王節齋之說。適藉口耳。口外非向宣府之土木也。中履曰。出參之土木。在古北

甘艸○存中辨景純藟大苦。非甘艸是也。今重秦粉艸。正以西邊風勁。其根直深。故其力厚。劉客生言西寧鎮番甘艸最多。葉似天竹。但冬凋耳。根鬚直下數丈。外域成樹。

黃連○本艸貴宣連。今黃山所產是也。時重川連。而南楚辰播皆是。愚在城步辰陽。見人取之。是雞爪類。高守恒曰

邛州黃連長尺。粗如筍。或如小指。雅聞巴皆小雞爪。愚按雲貴連皆無毛。諸深山連皆有毛。生溪石上。葉似小芹。而冬不凋。但其味更苦耳。瀉心生用。餘可吳黃薑製。

大黃○川雅州大黃最大。如盤。錦紋而香。陝西平涼大黃有大如瓜者。得此酒製。上巔。九蒸晒補。礱製化積如神。

黃精偏精○黃精似薑。而一幹對分。葉長尺許。本艸謂如竹葉不肖也。初苗名筆管菜。其偏精即萎蕤。華陀告樊阿

之青黏也。瀕湖極稱萎蕤。功竝人參。神隱有萎蕤餌法。二月九月採根。形比黃精葉狹而長。表白裡青。莖直如箭。尊有節。三月開青花。結圓實。

本草綱目卷之五

附子○出彰明赤水苗三四尺葉似石龍芮及艾花紫碧
 色冬至沃田豕糞種之。明秋始茂其根生子如芋。宋楊天
 惠記詳矣。近年各處種之。隔年發葉似菊。三年始生子。蓋
 烏頭沃種久之而大也。灌以金汁。其曰奚毒即雀芋。非此
 種也。雀芋之最大者海芋。即觀音蓮。博物志交州俚子藥
 箭。即曝雀芋根射人沸爛飲月水及糞汁。時有瘡者。射猪
 狗無恙。以食糞也。潛山中以射虎。中德曰乙酉張獻忠亂
 蜀時附子至三四寸金
一枚中通曰底平尖正者少皆刻木盒以鹽浸更而安木
 盒中印造之。彭飛雲曰真彰明色灰秦產色白葉廕生日
 鞏昌皆種烏頭多年成附子。平涼一帶四月八臘八寺煮
 烏頭飯衆蓋煮一晝夜極熟則自無毒。揭蓋加水則不可

食。河北哂酒皆以烏頭為麪。

鍾乳○鍾乳孔公孽。皆石精所凝而相謂補陽。愚嘗疑之。
 兩粵最多。黎美周曰性澁而凝精。合陽藥走下部。故方家
 用之。服乳忌參朮。謂木能動鍾乳也。存中所載夏英公與
 其小吏利害相反。狀哉。江隣幾曰高敏之以鍾乳飼牛。而
 飲其乳。後患血痢卒。以鍾乳太澁也。中履曰黎美周遂球
 廣州孝廉丙戌與楊
 機部郭雲機萬吉人姚有僕同處難有集行世。

雄黃○楊億筆記楊岵依鄭玄黃堊五毒藥而愈。頰瘍虞
 雍公以其艸服雄黃蒸餅丸而愈。痢黃堊。瓦合有益者。范

物理小語

卷之五

七

汪改爲飛黃散是也。瓦盆中安雌黃。南丹砂。北慈石。東曾青。西白石英。上爲礬。石膏次之。鍾乳居下。雌黃覆之。雲母布於底。以盆蓋之。羊毛固濟。以陳葦燒一日。取其飛黃用之。夫雌黃治瘡殺蠱毒之上品也。而入肝經氣分。故能定癩。涎治瘡。刺又能化血爲水。凡赤者爲雌。有臭黃。以醋洗其臭者。當辨之。武都階州有水窟。雌黃可克丹砂。但研細色黃耳。老父在蜀。得蒜汁煉雌。精成佩方。置牀室却病辟蛇鬼。若以化物。當與硝石同用。中德曰。先祖中丞公筮仕

硫○淮南曰。夏至硫黃澤。蓋陽入地遇陰而成者。細硫如

蜜黃。中有金紅處。擊開如水晶。有光。今青硫不佳也。陸前京云。硫煖而利。其性下行。焰硝煖而散。其性上行。礞石寒而下。消石煖而上。劉薦叔曰。今以消石化硫爲水。以竹筒盛之。埋馬糞中一月。而合鉛霜十之一。制度甚妙。取化積聚。專欲扶陽。則埋一甕。豆漿。而以小罌盛礬。硫。松毛塞之。令口向甕。塗泥固之。金粟火煨之。滴下者精。乃以猪臟同煮。孫公談圃曰。三伏日。餌硫黃百粒。去臟腑穢滯。以煖而速下也。心寶丹治久患瀉痢。宿食氣痛。寂驗。白樂天曰。退之服硫終。一病訖不痊。王讜唐語林曰。韓愈病卒。召羣僚

曰吾不藥今將病死矣汝詳視吾手肢體無証人云韓愈癩死也老人原可服硫。死自天命。傷狀而去與硫何與而誦之。黃山谷在宜州。服紫霞丹。自云得力。曾紆勸其勿服。山谷曰公等疽根在肉。乃不可服。如僕服之。殆是晴雲之在川谷也。中德曰。前京乃陸鯤庭年伯之兄善醫。劉薦叔和而却服硫。揚子暄曰。陽氣入地。遇水則死。為硫。并雲則爆為雷。乃生養萬物之原。藥當以此為第一種。但須善製耳。遇硫毒。研釜底煤炮湯飲。蓋煤為火之宅。猶以油餅又油也。

龍腦○婆律木如杉而葉圓背白。皮有甲錯。藥廷珪則謂千年杉鋸版取腦。則與取樟腦法同矣。唐天寶交趾貢龍

腦如蠶蟬形。宋史熙寧九年。英州雷震一山樟樹盡枯。中皆龍腦。可信。樹汁降香。亦有取鍊者。不必執一也。今以梅花片食咽鎖喉者。真韶州升樟腦似之。切新樟片。并水浸三日。鍋煎。柳攪。汁減半。柳有白霜。即泌入瓦盂。經宿自成。再合二皿。濕紙封之。文武火燻之。半時取冷。如此三四次。即冰片也。或以杉木鋪之。合諸藥封二盃。入水半盞。煨之水乾。取開。腦自升於上。贊寧曰。其赤色者曰父婆律。几諸力厚有汁之老樹。遇大凍枯者。皆有香。皆可作片取腦。升用。松潘有娑羅樹。化龍腦之事。中通曰。篩壁土與樟腦拌勻。攤碗內。換薄荷汁。酒土

上。又以一碗合定。濕紙條固其縫而蒸之。少時樟腦飛上。硬底皆成冰片。

巴豆○有三種而起線者為雄。不去膜傷胃。不去心則嘔。

沉香浸則能升降。同大黃則瀉。反緩蓋巴豆惡大黃而他。

景備急丸回用之。王好古曰可以通腸。可以止瀉。世不知。

也。吳鑑在曰巴豆樹葉有刺。本艸未載。蠟置丸治久瀉。效。

甚。退奎雅開云。趙傳霖傳方。枳殼去穰納巴豆。以麻皮。

合之水煮爛。即去巴豆焙乾。枳末待用。治一切瘕。中履曰

德操為子遠公姪。巴丑為桂林巡按。履隨老父依之。一年。

疇曰巴豆作瀉傷人者。濃煎黃連汁服。

錦地羅。三七。猪腰子。山羊血。○廣西四種。效藥。瞿稼軒年。

伯取以濟人極驗。錦地羅。蔓結子。根似括。蔓草。蘇會典貢。

錦地羅二斤。言其賤也。諸瘡立潰。散血安神。三七乃山漆。

也。根似乾地黃而短。止血散血定痛。猪腰子六瓣。形似之。

土人乾之。以為縣。鑰牌磨治腫毒。山羊血。止心痛。跌死者。

酒服三錢。即活。中通自。近見金道隱。年伯記。韶州丹霞崖。

上產。錦地羅。則廣東亦有之。生石上有藤。藤生葉如錢大。葉聚五。相間生。生不過五六寸。常枯。遇雨。

夜活。

百艸霜○能止上下諸血。及一切瘡。又能消化積滯。人知。

其以黑止血。而詐知其能散火耶。蓋彼乃火化。故與火同。

類。而散火尤捷也。

吳茱萸○柯古云椒下行。吳茱萸上行。而常子重中丞痰飲。以吳茱萸愈。小便皆有茱萸氣。梅楊卿用酒浸吳茱萸三宿。以茯苓末拌之。洒下百粒。將調茯苓引之下耶。又云咽舌生瘡。以醋調吳茱萸末貼兩足心。遂夜便愈。與附子同功。則何嘗不引熱下行耶。川椒功在閉精。吳茱萸乃溫中下氣者也。椒子不如漆光者。多食則閉氣。胡椒煖胃助陽。乾薑守而不走。生薑發散。茴香入小腸。砂仁荳蔻香而開胃。肉蔻能澁。常食料之煖者。用各有宜。

延胡索○延胡索葉似竹葉。根似半夏。茅山上龍洞。杭州

笕橋種之。入手是太陰厥陰。能行血中氣滯。氣中血滯。乃活血化氣第一品也。崇禎丁丑。老父爲南京鹽卿時。宴集散疑鯁。鮑腹悶。誤服香油。遂痛而嘔。醫家以爲陰病。服藥不效。因而下閉。一醫以萬應丸三服而不下。迷急幾死。金申之來視之。此藥禍也。當服黃連。延胡索。諸醫曰。服涼藥則不救。智卜於天。服申之藥而愈。其方乃黃連。延胡索各三錢。甘艸一錢而已。蓋藥毒結於腹。巴豆猛於上。膈得黃連。瀉胸中。而延胡索通血滯。故解耳。當腹悶時。藿香正氣散。卽無事矣。以智于是學醫。北齊李元忠。隋許道。勿唐王

勃王壽。宋高若訥皆因親病通醫書。人子須知不可不効。
獨腳蓮○東壁以爲鬼白。其根一年一白。愚所見莖端蓋
葉如荷四周或五瓣。或八瓣。邊有小刺。一名羞天艸。與海
芋同名。而實非海芋。

蚤休○一莖直上。七葉圍一層。又抽爲重樓。亦開四出白
花。李東壁謂葉如芍藥。不似也。大約與鬼芋天南星一類。
但此一層七葉。而南星十一葉耳。

仙茅○似茅而葉薄。不割膚。綠又淺。耳。庾嶺三月開黃花。
如梔子。東壁曰六出而不似梔子。八月花。衡山仙茅花碧。
武功山仙茅花有紫者。其根乾之。皆如小筒。

三白艸○盧頤曰三月生苗。葉如薯葉而對生。小暑後莖
端發葉如粉。背面一如。初小漸大。大則葉根先白。延至葉
尖。如是者三。花穗亦白。根鬚亦白。此與本艸綱目異。愚所
見有二種。田澤畔葉如蓼。色如苦蕒。入夏上三葉白。此與
東壁說同。又見石岩泉邊有小木葉似冬青而短。其枝端
三葉白如粉。則盧所見葉如薯者。又一種也。

山慈姑○老鴉蒜根无毛而光。山慈姑根茸毛固殼爲辨。
東壁曰山茨菰葉如水仙花葉。乘雅言冬生苗如楸葉而

小。二月抽莖尺許作花如絨紐狀。三月綴實子有三稜書以俟證。

熊膽通利○妙丹以熊膽一分作三九雄黃為衣白湯吞之。无不下者取其破塵迅疾入血分而不傷不必巴豆硝黃牽牛也。錢乙曰熊膽色通明每以一粒點水中轉如飛愚者曰凡膽之性无不轉動者而熊膽尤迅以其善跌臙也。

虎油○虎一身皆入藥而本艸未載虎油之功效愚於獵戶取其油以塗獵梨瘡一二次即愈亦可治大麻風

犀牛皮治風○近有從船上來者治風活血竅効是本艸未載者。

葉耳○蒼耳子入腦除風通行周吳功同豨薟而時不知用向在姚有僕署中有令親黃腫百藥不効采蒼耳根葉三盪食之遂愈杜工部有咏蒼耳詩但子欲去刺又欲取

仁竅難不如熬根葉為膏易耳。中履曰姚有僕年伯諱奇胤。祖父庚辰同門也。丙戌以御史死。處暄曰此藥能滿骨髓卻疾輕身功可配老君筋

乳香○楓膠松脂皆可混乳香而功亦彷彿所謂薰陸乳香者陳承云是熏陸之乳頭也劉珣曰乳香沒藥皆波斯

松脂也。將以日黑分之耶。葉廷珪曰：乳香出大舍國，其樹類松。寇宗奭曰：薰陸木葉類棠梨。鎔塌在地曰塌香。南印度阿叱釐國出之。沒藥黑色似安息香。其樹類橄欖。物理所曰：真乳香久留生舍利。丹房曰：乳香啞銅。用者碎之，或同燈心，或同糯米，不如酒研如泥。少夫曰：乳香先置孔中，半日，取指甲二三片置鉢中，搗之不黏而易成末。中通曰：近得造乳香法，擇有癭松樹，錐開癭，就上鑿一孔，以糯米一斗作餅，入鹽一斤拌勻，再杵成糝，入孔中，却以原錐下癭封之，鹽泥封固，候百二十日足而取之，即成乳香。

黃蘗為殺物神藥。○龍城錄云：賈宣伯有神藥，能治三蟲

止。熬黃蘗木，以熱酒沃之，在松江以刀圭投此藥，魚一吸即死。吳江有蛟恠，宣伯以此投潭，明旦老蛟死。云授之閻皂王天師。涉海者亦需之。黃蘗有四種，本艸上載其二。桂能制肝益脾腎。○五苓散通滲而必用肉桂。人知其旨乎。肝盛脾衰藥易兩犯，惟桂能克肝以益脾。附子不得桂亦不能補命門也。水經注：筴桂，父服桂和龜腦以滋陰濟桂也。桂能治諸種心腹痛。取竹瀝以旋斫者。○破竹燒節，兩頭接水，一法也。斲節近尺，其下去節，以堽受之，以瓦熾其節，則汁流堽中。

預知子○本艸載預知子似皂莢蔓生依木按贊寧曰鄭僊沼子。生池間。苗似牽牛。有逆刺。節有房殼。殼中有二子者取之。三子者勿取。為偏氣不足。其二子陰陽和合。能除蟲毒。其狀如龜。經霜則榮黑色。如採蒲升。其間爆鳴。似人輕微。兩爪相擊聲。取法將所採者分為二分。聽其有聲者何托。則又分為二堆。有鳴則記之。佩於衣襟。入蟲毒處。其子鳴爆。

木籠○木籠麻纏雌雄則生而去雄乃結實。馬觀瀛涯勝覽曰。古俚國木籠子樹。高十餘丈。綠囊如柿。三四十枚。其

力更倍。孟煥所戒是也。今所賣木籠。大如錢。四周有伸縮

如翬。乃馬錢子。秘方用木籠枳實各一兩。熊膽二錢。法製

丸之。每服七厘。去痰如神。狀弱人宜審服之。舉身如動。容

成術用木籠入籠膽。取其動也。墮胎亦取其動。暗日退大熱單用七厘如神。過服則寒。顛牙際。惟桂枝湯可解。申惠曰。麻油慢火炮。番木籠。擣末。隨症加補瀉之藥。藉彼力捷。無不通耳。

箭頭艸○卵金芹菜葉形三角。簷尖有齒。梗如圓莖。劈半

半有三稜。四月開紫花。冬枯。乾末之。四合山豆根。兩乳香。

沒藥。五錢兒茶。三錢水敷。癰腫最神。

廣本香○白色。嚼之粘齒者真。黑色。吃之辣者。番白芷。

躑躅丹○鬧芋花炒鍋文炒研末。遇跌擊損傷。服三分。被覆出汗。麻嘔任之傷重再服。骨折者黃雌狗頭燒灰末。小黃米粉等分水調敷之。

土鼈○土鼈是象房屎中所生。斬斷之。自合。今值三分。一枚能接骨。或以旋土成窩者充之。非旋土窩曰沙雞母。同金墨磨塗口瘡。

蠛蠓黃○余岸少養蜘蛛。以小者飼大者。久之以朱砂飼大蜘蛛數十日。滿身皆赤。其腹有黃。可以去翳開瞽。

翹搖○仙方以翹搖合胡麻零餘子為丸。翹搖乃豌豆之扁者。金鄉單縣產。土呼臭虫豆。

菟苳蓮丸○局方菟絲子五兩。茯苓三兩。蓮肉二兩。酒糊丸。治白濁遺精。蓋謂思多而濟心腎也。菟絲感枝。主外與上。茯苓伏踵。主內與下。蓮實補中。而薏之生機疏化。則內外上下中周行調和矣。加玄參為玄菟丸。可以潛消痘毒。秋石○葉夢得水雲錄稱二煉之妙。皂莢攪澄。釜熬結霜。入罐固濟。日陽煉水倍滿。而撓澄之。日陰煉。陳嘉謨蒙筌攷之。以秋露澄重。紙鋪灰晒乾。方斲曰秋。取溺緩煎之。罇岸生涎。則竹刀掠下。沸溢則竹枝攪定。俟乾成滓。取置陽城確。上空二寸。覆蓋封固。養火一周。漸生如雪。或成五色。

宜貯銀餅藏陰靜處。不則風化成水。復須升養。仍結如霜。此秋冰也。既濟玄黍秘法。選童男女各積其溺。煉成秋石。又各取其虎子之白。逆晒乾之。先置女逆於銀釜底。次置男秋石。次置女秋石。次置男逆。上餘二寸。六一泥封固。三方火溫養七日。則粒粒丹紅。交結金頂矣。金申之曰血症。洩愈者多。還元湯且有功。况精取乎固濟秋冰。與乳合服。豈患火氣。陰煉則久。浸磚而取霜上也。潛艸曰无洵。烏盆浸溺既久。掘土埋之。七七取出。盆覆生乳。掃收。寂上。乘雅曰白。作潤下。鹹還可水濟火逆。集塵埃土。復可上承水。

紅鉛○童溺落經紙身梅點之。下乘也。鉛作偃月橐取之。以秋石結之可矣。二七天癸。脅心先有紅艷。上應星。下應潮。法用偃月橐。先以頭生男乳晒粉。抹橐之內。次篩秋石于乳上。經至而繫之。則結橐內矣。傾去黃水。以竟爲度。首經者中結枚子。或一或二。三當煉五炁。上丹爲一金丸。丸徑九分。劈口容圓青豆。以其位安枚子也。入枚蠟封。子後午前護繫童女臍。午後子前護繫童男臍。蒲七七。日枚子遂長滿其竅。此異授也。一法乳陽起石四兩。置銀釜底。乃安紅鉛三兩於上。封固溫養七日。後丹生其中。色如桃花。

僅得百釐。每月一釐。重綿裹護。子寅二時。納左鼻孔。行數百息。即入腦矣。反老還童之寶也。試以純脛鏤孔。置數釐於孔內。埋土過宿。起視。枯骨如生。或置分許於磁盤內。覆磁盃於丹上。水和麥麴封固其口。緩火炙之。麴焦冷開。其丹盡沁盃內。擊碎其砒。都成丹色。仍以盃砒乳細入金溫養。丹復提出。毫末不減。亦異術也。居經避經暗經感胎漏胎病經變生皆所不採

盧不遠曰。瀾湖未見神奇。徒穢詆之。白飛霞醫通言。漱乳鼻入腦。亦釐丹納之意。懲人恃補。縱慾豈止此乎。識者以通至理。

蟠桃飲。乳汁陰丹。張蒼何尚之驗矣。吾桐盛菊泉友。天癸先十日。空心與通乳飲。三日三服。用兒唾乳。久之。乳汁自來。以豕蹄作麩食。不時飲。葱椒湯。宜酒勿茶。遠煎燂物。忌房。此乳與紅鉛何殊乎。尋常取潔產男乳。犬滌盤盛之。滾水衝之。乳粉自澄。去浮面水。收下乳粉。乾之。任用。

嗣壽丹。赤何首烏五斤。泔浸。木碎。酒浸。牛膝一斤。肉蓯蓉一斤。次以懷地四兩。蜈蚣各一兩。煎汁聽用。次以龜版。瑣陽二兩。枸杞乳荻。荅補骨脂。虎脛骨各四兩。焙乾末之。乃置沙鍋淨地。以柶甑蒸之。布稀。蒼甘菊。枳實於甑下。水中取斗黑豆九分之。以一分合首烏牛膝蒸香一炷。去豆。

曝藥。次易一分。豆蒸如前。次三至八如之。次九則以一分豆合茯苓同蒸出。乾而未之。乃煉蜜五斤和諸藥丸。如梧子。鹽湯酒下皆可。豆亦當果咳也。陽壯精脂。髮白轉黑。忌葷菜。煎合藥時勿令女見。精冷加附子。別用膏貼至關穴。或飲干薑紅花釀。

磁硃丸。○倪微德原機啓微集。用真磁石火煨醋淬七次。硃砂半之。神麩生用三倍。砂更煮神麩加蜜丸之。治眼昏內障。亦治心火乘金。水衰反制之病。潛艸曰硃赤入心。磁黑入腎。神麩中樞化之。而水上火下交濟矣。不可多服。以硃砂所沁入最深最捷。

萎陽。○王文祿庭聞曰。武宗宿豹房。劉瑾等以蚘蛇油萎其陽。是以不入內。蚘蛇幾年。萎亦如之。按蚘肉能驅風。當是蚘膽耳。針肩井陰蹻而灸。至陰則閱復可針而起之。必芻服絲瓜紅藤。內經曰陰平陽秘。精神乃治古之道人。閱欲陽盛。故久服天門冬。石菖蒲。正相宜耳。朱乳菴言武宗天奄。

藥蜂鍼。○取黃蜂之尾鍼。合碗煉。加水麝為藥。置瘡瘍之頭。以火點而灸之。先以溼紙覆瘡。其易乾者。即瘡之頂也。本艸未載此法。舊以雀矢破癰頭。當用椎者。若雌則或橫或平。不能破也。椎雀糞。直立而尖白。

狸骨○李綽尚書故實曰。荀與寫狸骨治勞方。右軍臨之。號狸骨帖。按本艸惟貓頭骨治蠱毒心腹痛殺蟲。蓋古方多用狸。今人多用貓。雖二種而氣性相同。故可通也。

點眼發汗方○史長惺有不服藥而點眼發汗方。以初男胎糞煉而升之。加水麝。磁巽收。有當發汗者。男左女右。以乳點之。卧即汗出。本艸所未及也。愚又遇一人言犬豕初生糞皆可合煉。仙藥錄曰丹砂塗身向火則汗。若燒地鋪桃葉則徐文自以起。范雲而知二年後不救者也。院方以代楮石同乾薑末醋熱調塗掌心。合定蓋卧則汗。敝房師

傳海峰言用之驗。

中德曰傳海峰太老師諱鍾秀。崇禎庚辰以戶科都同考試。老友出其門。

代杖○崇禎庚辰黃公石齋解公石帆。葉公潤山被杖。士夫皆謀蚘蛇膽。愚謂此大寒。令人絕嗣。不如三七。无名異地龍蠟丸酒服。則杖不知痛。如不即得。則白蠟一兩。廣蟲一枚。酒服亦效。壬午則熊公魚山。姜公卿。暨復以直言拜杖矣。智急白如須用之。中州集曰貞祐中高琪柄國。士夫被笞辱。醫家以酒下地龍散。投以蠟丸。則受杖失痛。范中歌曰。嚼蠟誰知味。寂長。一栢啞酒地龍香。年來紙價長。安費不重新。詩重藥方。偶書及此。為之一歎。疥瘡青腫用

乘菹爛菴之卽消或用菘豆粉調附。

出鏃○蜣螂巴豆同塗瘻不可當以雄磁石扶之卽出象牙牡鼠肝腦粟屑烏雞尾灰白梅人爪人齒塗和黑蝨皆能出箭頭鐵鍼在肉者張子和儒門事親方端午取葭蓉作丸黃丹衣之置臍而箭頭自出劉薦叔曰近日行伍中惟以乾莧菜與沙糖塗之能出箭頭與鈎砲子此常驗者則古方所未載也。

下導○密導乃煉蜜入魄門也老人虛閉者宜之近以猪膽作積筒向魄門射之卽通矣挾熱者宜之先祖廷尉公曰小兒閉結皆以蠟燭導之或用醬薑一導卽出此則古方所未聞

良薑香附散○高皇帝廬山碑記周顛仙友酒洗高良薑七次焙末醋洗香附子七次焙末寒起倍薑怒起倍附各加生薑汁一匙服之凡心口痛皆胃口痛也氣正則自平或加烏藥沉香卽順氣湯。

火眼○初起以甘菊花水熏洗之乃以紙揪瞖鼻卽噉略出點淚其氣卽散矣點藥用老王瓜開頂納皮硝而封之絡縣簷下久則自出霜收貯隨意點之風熱生眵則銅綠

當歸皮硝等分綿裹熨熱數措之即愈。劉禹錫方用黃連末麩核仁研入棗心綿裹置甌重湯煮之以汁點眼赤皆生翳皆消。暗曰蒸表風寒藥入白礬或朴硝少許頻點洗令淚出火散即退。

辟瘟○時氣一行合門相染艸繩度病人之戶屈而結之於壁則一家不染丹徒何氏曰入瘟疫家以麻油塗鼻中既出以紙揪取嚏則不染或佩玉樞丹。龐安常言務成螢火丸免疫甚驗其方乃漢武威太守劉子南得之尹公受戰陣矢不能及後有青牛道士傳之皇甫隆以傳魏武帝云用螢火鬼箭羽蒺藜各一兩雄黃雌黃各二兩殺羊角

依

煨存性一兩半礬石火燒二兩鐵錘柄入鐵處燒焦一兩半俱為末以雞子黃丹雄雞冠一具和搗千下丸如杏仁作三角絳囊盛五丸帶於左臂上從軍繫腰居家挂戶可辟盜賊愚者曰壯氣即所以壯神此不可思議矣。雄黃為要焚龍腦亦散法也。外紀哥阿島患疫有名醫卜加得令城內外遍舉大火燒一晝夜火息而病亦愈蓋疫為邪氣所侵火氣猛烈能盪滌諸邪邪盡而病愈至理也。呂錫侯筆記曰庾肩吾詩朱泥却鬼丸按襍俎梁武歲賜却邪丸葛洪練化篇數子散用柏子仁麻仁細辛乾薑附子丸服

之劉次卿以敷子散和雄黃。智按今本神作敷子散。訛。

烏鬚髮○內服胡麻丸。外用鱧腸。即旱蓮青鹽作牙散。或

兼桑椹用之。孫真人金陵神效。用旱蓮神一秤。絞汁。日中

煎五日。又取薑汁與蜜各一斤和合。日中煎之。任服。普濟

方用大水蛭七枚為末。汞一兩。以銀合盛之。用蚯蚓泥固

濟。埋馬矢中。七七日出。化為黑油。以魚脍籠指蘸鬚上。

自黑至根。或以油。蚶蝟飲墨水而化之。或以龜溺。皆倒上

法。中通曰。真生漆一斤。入二蟹盛。一瓦瓶內。又取黑桑椹

一斤。入瓦瓶內。同白埋土。一月取起。濾去其滓。和勻貯

一確中。入麝少許。用雞脆皮包手指。蘸藥水。抹鬚尾。即上

其根。若用藥一鍾。加酒一鍾。飲之。可黑半載。常染則石。灰

鈇粉。或銅綠耳。

黑髮油○蔓菁子甘松三柰青蘘蕉汁。三伏暴之。能黑髮

而不墮。今多取茶子油。兆克曰。建蘭葉浸油。黑髮而不落

本神未載。化鯁法○獺爪以搔喉。則諸魚鯁可化。與橄欖同功。生得

其涎尤效。陳襄曰。倒流水半盞。先問其人。使之應。吸其氣

入水中。回東誦乾豕七次。吸氣入水。飲少許。即瘥。張誼言

南礪砂治骨鯁。勝金方曰。鱮魚膽滴酒。可化一切鯁刺

咽喉。即鱻魚鮫魚鯽魚之膽皆可。

冬月唇燥○用麻油抹之。酥尤效。不可以津潤。

癬○硫二錢於陳土壅掘窩九處以銅勺熬化灌九窩內
竹刀破癬以硫生抹之劉禹錫言盧會一兩炙甘艸半之
溫漿先洗傳之立乾便瘥連理亭集方曰用楮樹葉四十
九以毛向癬拍四十九下自愈先以猪膽圍癬使小而後
治之暄日硫一兩醋數碗頻添煮乾刮癬擦上。
消肉刺○身上生肉丁木强者以茄根燒熟摩之或以芝
麻花摩之。

去指甲內垢○以白梅與肥皂合洗之自去。

酒後口气○啖棗一二枚用理中調气末乾服少許。

治雞眼方○烏梅肉搗糜爛和少醋貼患處自消不痛一
日黃脚癢雞眼用河豚目又雀腦搗葶薺又曰研硃砂化
牛膠調貼之其根盡出一曰地錦一名血見愁治雞眼或
云以黑白二蠶髮縛置雞眼上自消移門廣牘曰蜈蚣硃
砂各一錢白礬少許麻油浸埋土中一月取出點雞眼自
落後再不發。

治瘰癧子方○地膚子白礬等分煎湯洗數次盡消去中履
日瘰
亨鈞切或以紙火燒之。

治腳縫臭爛方○寒水石煨五兩飛丹炒五錢五分半研

和傳之。

去身斑○紫背浮萍端午收隔水晒乾四兩漢防已五錢
濃煎浴身三五次即除又以羊躅菜根搗肥皂中洗之擦
紫白癜風速愈。

花香不宜輕嗅○凡諸香花皆有蟲嗜之不可貪嗅壺中
鬢錄曰凌霄花中露水能損人目又能墮胎揮犀曰金錢
花渠那異花皆有毒不可近眼李衛公言嗅金沸艸花能
損目。

犁頭刺藤○刺藤其葉三角如犁頭多在籬邊生可治療

癰亦可截瘡有艸直莖對生葉葉似菊無岐但前有齒耳
葉柔滑面淡青背白折之有香烈觸鼻以七
葉作丸冷吞之截瘡如芫花葉乎。

蛇蔓艸○陳子升言蛇蔓子治發背圍地有之蔓生小艸
每枝三葉葉前如鋸齒以肉汁拌之敷一切癰疽亦可服
又魚腥艸腫節似牛膝葉似烏柏而長四圍有刺光綠葉
厚拆之甚作魚腥傳癰頗效殆醉魚艸乎。

刀傷藥○焦弱侯筆乘言夏至石灰收百艸方甚驗愚者
曰百艸霜止血但嫌其黑耳惟以生半夏末與製過松香
最妙敷上即合口以半夏力得不知痛

硃砂雄黃燈○凡諸瘡流毒不愈者但以硃砂雄黃作紙
揪麻油點燈熏之以被作屋口銜水頻換之則毒發出而
愈。

返魂香○過庭錄曰趙清獻公好焚香謂可卻疾章子厚
自嶺表還言匡山崔道人積香數斛一日盡發香烟盛時
忽躍峰頂此亦子厚棄雲氣之快筆乎朕香能入心宣揚
辟惡其理也李珣言聚窟洲有返魂香樹如楓柏花香聞
百里采根汁鍊之如漆博物志言月氏貢漢武長安大疫
焚此香皆活說似奇而理有之今舶人以篤耨堇納爲返

魂香姚有僕覓得濠鏡一方曰篤耨堇納迷迭瓶香各二
兩降沉三兩煉蜜和前末爲大丸又取犀皮獬皮穿山甲
蛇頭烏頭雄黃合古冢內土泥其外外更黃土泥之闕乾
埋向東廂門柏下七七日日出之日中七七朕後剖其外二
土末其內丸投龍腦丹硃雄黃各五錢以鬘甲煎蘇合油
作餅瓷盆貯之凡陰迷死卒魘死瘟疫死焚此香紙幔中
半日必甦宓山曰病惟火症不宜聞香痘疹以香發之氣
陷陽衰以香起之諸香皆能辟惡而柏樟蒼朮雄黃尤消
鬼氣大虛者忌麝

靈藥○汞一兩明礬硃沙火硝皂礬各八錢鹽三錢大碗
覆淨鍋細沙壓之先文後武最便若依法須甘鍋深大者
鐵蓋蓋口鹽泥封固蓋內乾十三盞水爲度今但以甘鍋
灰泥磁碗於鍋即可升單升朱砂者色紅更妙多用食鹽
則白又火急則黑火緩則黃必用皂礬者綠礬爲鐵華汞
爲金魂二氣同根也鹽礬硝皂亦可單升總名粉霜硃汞
曰靈砂舊言服之益氣明目今害無比惟容成用此養鉛
劍。

矢醴○素問以雞矢醴治鼓脹王冰注云本艸雞矢利小
便不治蠱脹殊不知雞矢能下氣通利故岐伯用之並能
解金石毒蜈蚣蚯蚓諸蟲毒以醋塗之普濟方以雞矢白
半斤袋盛漬酒溫服之范汪方云宋青龍中司徒史頽奮
女髀痛一人令穿地作坑取雞矢剉葉狀之安脛入坑中
熏之有長蟲出遂愈桂林醫方刻矢醴丸言此物漬酒不
可口法籠烏骨雞與水飲數日勿與食將鹽拌烏蛇竹刀
切與食之待雞下糞取陰乾以酒沃其末乾則沃之後乃
以黑豆末和爲丸治一切蠱毒腹脹反胃吐食臨時水服
酒服皆可。

圍瘡癰腫○瘡癰腫者以枳橘全者剖半剝空而覆瘡上以醋麵塗之則自潰出。

貼背癰法○發背開花蜈蚣入之以硫磺黃蜂房爲末作紙燭而油之別以過街蜈蚣煉活人丹與蛞蝓汁塗扇而點貼之則癰中之蜈蚣盡出。

繼病○單字菊坡叢語曰小兒乳哺時值母有孕輒創心黑泄瀉爾雅翼言伯勞能療繼病繼病者母娠而乳子使子得疾如疳。

服巨勝者濟其潤○米芾得智永臨右軍帖云玄度忽腫至可憂慮疾候自恐難邪史稱許詢服巨勝實莫知所終此可鑒也孟詵云久食胡麻抽人肌肉愚者曰此亦臆也其油冷利蒸食甚養人昔訶陵國舶主方以補骨脂合胡桃服今以黑脂麻合服尤妙補骨脂卽胡韭子南蕃色赤廣南色綠嶺北吉州種者色黑。

扶桑至寶丹○桑葉一斤黑脂麻四兩取汁煉蜜爲丸此宋時智緣禪師方智緣乃診視父脈而知其子病者。

錫能出物○近峰聞略曰稚子誤吞線錘胡僧教啖錫糖半斤果從後出僧曰凡誤吞五金者皆可出也。

救誤吞釣鈞○誤吞釣魚鈞者以其鈞絲穿繭口向外更以光滑念珠穿其絲如索索狀逼入喉中其鈞腕肉爲繭所蒙因念珠之路相承振之即出。

當歸膏下法○以潤通也或加火麻仁老弱用附子。

藤黃收膏○黎峒以治癰疽效。

凍瘡斂○黃蠟胭脂汁塗之。

取白蠟蠶○取直死者曲則藥力不行

明龜膠○龜膠多黑用重湯收者通明

倚足泥○炕乾之可以生肌。

收藥例○參宜火烘不宜晒以細辛切碎隔紙收之或炒米一甕而包參於其中枸杞子不宜晒晒則黑宜烘黃耆畏蟲宜火熏之懷慶牛膝易油宜火燻之收在稻穀中冰片見風則折宜以薄荷封其外蘇恭言以糯米炭相思子貯之則不耗贊寧言以杉木炭養之更良白朮易油入甕稻中收收薄荷隔夜破水澆之次日又澆待乾收之則涼末藥法○六一散甘艸難碎可濃煎甘艸汁入飛過滑石或以米粉漿艸碾之而澄出之地黃酒九蒸搗爛以山藥末和爲餅再暴之一碾即末矣狀必水煮加酒乃糜必九

蒸而九晒以其至陰須陽氣也。香附于先去皮毛炒之焦熟而後投於水內浸透漉出。暴日中微爆入臼。應手而靡。見絲子。搯紙條數枚同碾爲粉。艾葉入白茯苓三片同碾成末。雲母不得成粉。以燈心同研。

藥市異形。○樟樹相傳。淮木通能行氣。色似沉香。有車輻紋。川木通色白。止通小便。僞者蒲萄藤也。淮玄參色黑。川玄參色白。淮牛膝細長。色黃白。治女。川牛膝大而帶黑色。治男。皆本艸未載。石蓮子以老而沉水者爲石。今市有一種藤實石蓮子。味苦。害人。廣陳皮以芳烈入腦爲佳。終

